

Pacis Novae desiderio flagrantibus Sal. & officia! : Cedant Arma Togae! ;

P.P. Ienae XIV. Octobr. Anno M.DC.XLIX.

[Ienae]

Sagittarius, Johann Christfried

Phil 2° 00268/04 (244)

https://dhb.thulb.uni-jena.de/receive/ufb_cbu_00013439

urn:nbn:de:urmel-941ed1a5-ff31-4498-8ada-bd10e9a5952f2-00012660-14

Lizenz: <http://rightsstatements.org/vocab/InC/1.0/>



PACIS NOVÆ
desiderio flagrantibus Sal. & officia!
CEDANT ARMA TOGÆ!



DIcebat olim Romanorum disertissimus Cicero, cum Catilinariam con-
jurationem, non sine divino Numine, detectam, & orbis totius dominam, Romam, incendio destinatam, ex eodem
ereptam videret. Qua voce nos Germani læticiam nostram prodemus, quod Patriam nostram communem, belli
civilis flammis per annos XXX. deflagrantem, præsentissimo, sæpiusque intentato interitui subtractam, atque ex suis cine-
ribus quasi excitatam conspiciamus, præ gaudio rei certissimæ etiam num fidem vel denegantes, vel cum mora quadam con-
cedentes. Mille habuit Catilinas misera nostra parens Germania, quorum quivis audaciâ, calliditate, scelere, ambitione,
crudelitate si non superavit, tamen æquavit pestem istam prohibere videntur. Rediit tandem post tot mala PAX PRO-
BATA, PAX CONFIRMATA, PAX CERTA. Remota tandem fuerunt, pacis bellique arbitro DEO sic volente, jubente,
detestanda illa PACIS IMPEDIMENTA: *seculi corruptissimi genius* sub fallaci amicitie specie inimicitias, sub sanctâ fide perfidiam
exsecrandam; sub blandâ pacis specie bellum meditans nefandum: *disfidendi & concertandi libido furiosa: diversissimarum gentium, moribus, linguâ
habitu, animisq; dissidentium studia diversa: illa aliâs fatalis bellorum civilium pertinacia: vetus ista ac pridem insita mortalibus potentia cupido;* & si
quæ alia fuerunt, quæ suo tempore candida & veritatis amans revelabit HISTORIA. Iustus ille & vindex DEUS Marius, Syllus, Cinus, Catili-
nus, Cethegus, Lentulus, aliisque ut carnificibus & licitoribus fuit usus ad expianda nostræ non tantum GERMANIÆ verum totius EUROPÆ
scelera, facinora; non ut eam prorsus perderet; sed ut castigatam, & suæ fragilitatis admonitam restituendæ PACIS felicitate recrearet. Can-
dida PAX & modesta CONCORDIA non jactabuntur porro speciosis & irritis nominibus; cessabunt tandem perpetua bellorum commen-
ta & meditamenta. Amicabili tandem complexu mater JUSTITIA & filia ejus PAX sese mutuis & minimè fallacibus excipient osculis.

Habe ergo tibi res tuas Mavors cruenta, *heunimis longo satiate ludo!* collige sarcinulas. Redi verò quæ per annos XXXII. peregrè abfuisti,
& tot in exilio contrivisti, quot ego divina gratiâ vixi; redi, inquam, PAX OPTIMA RERUM, QUAS HOMINI NOVISSE
DATUM EST. Impius autem sit, qui de tantis bonis DEO suo gratias non agat devotas: ingratus sit, qui *Magnatum, Regum, Principum,*
omniumq; augusti Imperii Romano-Germanici Statuum curas paternas gratissima non agnoscat mente.

Quapropter laude & amore dignus est *Viri Magnifici, Nobilissimi, Amplissimi, Experientissimi, Excellentissimi* Dn. ANDRÆ BERNHARDI
LEHMANNI in *Eschisch & Baschisch* Hereditarii, *Med. D. felicissimi & Budisfinensium Consulis gravissimi* filius, paternarum virtutum heres,
Eximius atque Præstantissimus Dn. ANDREAS BERNHARDUS LEHMANNUS, qui DEO nostro, laudatisque HEROIBUS & PA-
TRIA PATRIBUS grati animi primitias obferet, & pro PACE IMPETRATA carmen recitabit *memoriter*, ad XVI. Octobr. horâ X.
antemeridiana in Auditorio Majori.

Quos conatus laudatissimos ut Magnificus Dn. Rector, Procures Academici honoratissimi, & reliqui cujuscunque sint ordinis Viri stu-
diis operati, nec non Nobilissima & florentissima studiosa Juventus, Magnificâ, augusta, honorabili, & amicâ præsentia prosequantur devotè,
observanter, & amicè rogat, tanti beneficii vicem pro virili redditurus

P. P. Jenæ XIV. Octobr.
ANNO M. DC. XLIX.

M. Joh. Christfried Sagittarius,
Histor. & Poët. P. P.

Excudebat CHRISTIANUS LAURENTIUS Rempff.

urn:nbn:de:urmel-941ed1a5-ff31-4498-8ada-bd10e9a5952f2-00012660-21